

唐闕史卷下

鄭少尹及第

崔起居題上馬圖

李可及戲三教

渤海僧通鳥獸言

王居士神丹

賤賈古畫馬

盧尙書莊墮雷公

迎佛骨事

壽安山土棺

太清宮玉石像

楊尙書補吏

軍中生餽

薛田貢冰

盧員外題青龍寺

崔尙書雪冤獄

夢神醫病者

御樓前一日雨

辛尙書神力

韋進士見亡妓

泗州風狂尼

丞相蘭陵公晚遇

盧相國指揮鎮州事

盧左丞赴陝郊詩

薛氏子爲左道所悞

虎食伊璠

東都焚寺

鄭少尹及第

世傳前定錄所載事類實繁其間亦有鄰委曲以成其驗者今復有前定卓異之說且非誕妄故附於此長安鼎甲之族有滎陽鄭氏嘗爲愚言其先相故河中少尹諱復禮應進士舉十不中所司選困厄且甚千福寺有僧宏道者人言晝則平居夕則視事於陰府十祈叩者八九拒之蒲亞不勝其蹇蹇憤惋則擇日齋沐候焉頗容接之且曰某未嘗妄洩於人今知茂才抱積薪之歎且久之不能隱忍耳勉旃進取終成美名然其事頗異不可名也蒲亞拜請其期宏道曰唯君無期須四事相就然後遂志四缺一則復負冤如是者骨肉相繼三勝三勝之前猶梯天之難三勝之後則反掌之易也蒲亞愕眙不諭復再拜請語四事之目宏道持疑良久則曰慎勿言於人君之成名其事有四亦可以爲異矣其一須是國家改元之第二年其二須是禮部侍郎再知貢舉其三須是第二人姓張其四同年須有郭八郎四者缺一則功虧一簣矣如是者賢弟姪三勝率須依此蒲亞雖大疑其言然鬱鬱不樂以爲無復望也唯敬謝而退至長慶二年人有導其姓名於主文者蒲亞以其非知貢舉意甚疑之果不中第直至改元寶歷之二年新昌楊相國再司文柄蒲亞私喜其事未敢洩言來春遂登第第二人姓張名知實同年郭八郎名言揚蒲亞奇歎且久因記於小書之杪私自謂曰宏道言三勝率須如此一之已異其可至於再乎其可至於三乎次至故尙書右丞諱憲應舉太和二年頗有籍籍之譽以主文非再知舉試日果有基周之恤爾後應太和九年九舉年年敗于垂成直至改元開成之二年愚江夏伯祖再司文柄右轄私異其事明年果登

上第二人姓張名棠同年郭八郎名植又附書於小書之杪三勝雖欠其一兩勝且無小差閨門之內私相謂曰豈其然乎豈其然乎時僧宏道已不知所往矣次至故駙馬都尉諱顯應舉時譽轉治至改元會昌二年禮部柳侍郎再司文柄都尉以狀頭及第二人姓張名潛同年郭八郎名京三勝皆改元第二年主文再知舉第二人姓張同年有郭八郎陰臨驅駕須及於斯非免楮可以盡述者爾後榮陽之弟姪就試如破竹之勢迎刃自解矣以其前定稍異故書

盧員外題青龍寺

盧駢員外才俊之士忽一日晏抵青龍精舍休於僧院氣淒慘如蓄甚憂者吁嗟往復于軒檻間僧問不對逮夜將罄歸騎徘徊四顧促命臺視題於南楣曰壽夭雖云命榮枯亦太偏不知雷氏劍何處更衝天題畢草草而去涉旬出官未逾月卒其詩至今在院僧逢人輒話其異

崔起居題上馬圖

崔雍起居譽望清舉尤嗜古書圖畫故鍾王韓展之跡萃於其家嘗寶太真上馬圖一軸以爲畫品之上咸通戊子歲授祿二千石於和州值龐勳搆逆豐沛間賊鋒四掠歷陽廢郡古史儒生非枝拒所及矣乃命小將齎羽檄牛酒犒賊師且以全雉堞活黎庶爲請由是境亡剽掠之患雖矯爲款諭而密表自陳時宰有不協者因寘之以法士君子相弔後有得崔君所寶畫者軸杪題云上蔡之犬堪嗟人生到此華亭之鶴徒嘆天命如何字雖真蹤不書時日識者云聞命之後無暇及此其預知耶復偶然耶

崔尙書雪冤獄

尙書博陵公碣任河南尹。摘奸翦暴。爲天下吏師。先是有結客王可久者。膏腴之室。歲鬻茗於江湖間。嘗獲豐利而歸。是年又笈賄適楚。始返楫於彭門。值龐勳構逆。隳於寇域。逾期不歸。有妻美少。且無伯仲息胤之屬。妻嘗善價募人訪於賊境之內。四裔竟無得其影迹者。或曰。已戕于巨盜。而帑其財賄矣。洛城有楊乾夫者。以善卜稱。妻晨持一縑。決疑於彼。楊生素熟於事。且利其色。思以計中之。乃爲端誓虔祝。六位旣兆。則曰。所憂豈非伉儷耶。是人絕氣久矣。象見墳墓矣。遇刼殺與身并矣。妻號咷將去。卽又勉之曰。陽鳥已晚。幸擇良辰清旭。更垂訪問。當爲再祝。妻誠信之。他日復往。振策布算。宛得前卦。乃曰。神也異也。無復望也。仍言號勵。非所以成禮者。第擇日舉哀。縗服髻髮。繪佛飯僧。以資冥福。妻且悲且婉。以爲誠言。無巨細事。一以托之。楊生主辦。雅竭其志。則又謂曰。婦人獨而積財賄。寇盜方熾。身之災也。宜割愛以謀安適。妻初不納。夜則飛礫以懼之。晝則聲寇以餌之。妻多楊之義。遂許嫁焉。楊生旣遂志。乃悉籍所有。雄據優產。又逾月。皆貨舊業。挈妻卜居洛渠北。其明年。徐州平。天子下洗兵詔。大愍就擒。外脅從其間者。宥而不問。給冢爲信。縱歸田里。可久髡髻返洛。疥癢瘠穢。旬食於路。至則訪其廬舍。已易主矣。曲訊妻室。不知所從。輾轉飢寒。循路號叫。漸有人知者。因指其新居。見妻及楊肆目門首。欲爲楫認。則訶詈詬辱。僅以身免。妻愕眙以異。復制於楊。可久不勝其冤。訴於公府。及法司按劾。楊皆厚賄以行。取證於妻。遂誣其妄。時屬尹正長厚。不能辯奸。於是以誣人之罪。加之痛繩。其背肩校彊。可久冤楚相縈。殆將溘盡。命祿未絕。

洛尹更任。則銜血齋冤。訴於新政。新政亦不能辯。其所鞠吏。得以肆毒於簣言。且曰。以具獄訟舊政者。有漢律在。則又列餐配邑之選者。隸執重役。可久雙嘗洒血而目枯焉。時博陵公伊大燕居。備聆始卒。天啓良便。再領三川。獄吏屏息。覆盆舉矣。攬轡觀風化之三日。潛命就役所出。可久以至。仍敕吏掩乾夫一家。并素鞠吏同桎其頸。且命可久暗籍其家服玩物。所存尙夥。而鞠吏賄賂醜迹昭焉。既捶其脅。復血其背。然後擢髮折足。同棄一坎。收錄家產。手授可久。時離畢作診。蠶雲復鬱。斷獄之日。陽輪洞開。通達相慶。有至出涕者。沈冤積憤。大亨暢於是日。古之循吏。孰能擬諸。

李可及戲三教

優孟師曾見於史傳。是知伶倫優笑。其來尙矣。其開元中黃幡綽。元宗如一日不見。則龍顏爲之不舒。而幡綽往往能以倡戲匡諫者。漆城蕩蕩。寇不能上。信斯人之流也。咸通中。優人李可及者。滑稽諧戲。獨出輩流。雖不能託諷匡正。然巧智敏捷。亦不可多得。嘗因延慶節緇黃講論畢。次及倡優爲戲。可及乃儒服險巾。褰衣博帶。攝齊以升崇座。自稱三教論衡。其隅坐者問曰。旣言博通三教。釋迦如來是何人。對曰。是婦人。問者驚曰。何也。對曰。金剛經云。敷座而坐。或非婦人。何煩夫坐。然後兒坐也。上爲之啓齒。又問曰。太上老君何人也。對曰。亦婦人也。問者益所不喻。乃曰。道德經云。吾有大患。是吾有身。及吾無身。吾復何患。倘非婦人。何患於有娠乎。上大悅。又曰。文宣王何人也。對曰。婦人也。問者曰。何以知之。對曰。論語云。沽之哉。沽之哉。我待價者也。向非婦人。待嫁奚爲。上意極歡。寵錫甚厚。翌日授環衛之員外職。

參寥子曰。開成初。文宗皇帝耽翫經典。好古博雅。嘗欲黜鄭衛之樂。復正始之音。有太常寺樂官尉遲璋者。善習古樂。爲法曲。簫。磬。琴。瑟。戛擊。鐸。拊。咸得其妙。遂成霓裳羽衣曲。以獻。詔中書門下及諸司三品以上。具常朝服。班坐以聽。旬合奏。相顧曰。不知天上也。瀛洲也。因以曲名宣賜貢院。充試進士賦題。又命授尉遲璋官。丞相滎陽鄭公覃擬王府率。時有左拾遺竇洵直上疏。以爲樂官受賞。不如多予之金。無令浼汚清秩。滎陽公曰。王府率是六品雜官。君謂之清秩。便授洵直可否。時上方銳意納諫。亦優容之。今可及以不稽之詞。非聖人之論。狐媚於上。遽授崇秩。雖員外環衛而名品稍過。時非無諫官。竟不能證引近例。抗疏論列者。吁。

夢神醫病者

青龍寺西廊近北。有繪釋氏部族。曰毗沙門天王者。不詳誰氏筆跡。而精妙如動。祈請輻輳。傳有神異。嘗有民居新昌里者。因時疫。百骸綿弱。不能勝衣。其室甚富有妻且少。視之燕宋也。母氏啜泣。徧訪醫巫。竟無能原其病狀。一日自言欲從釋氏。且不能跛倚。其可髡首而縑體乎。母徇其欲。肩致繪壁之下。厚施主僧。眠食於寺廡。逾旬喜寐。夢有人魁形鎧服。餒加於肩。弓拊其臂。持筋類鱸。以食病者。復若嚴懽。促迫咀嚼堅韌。不堪其憂。所食衰丈。遽然而覺。綿骨木強矣。又明日能步。又明日能馳。逾月以力聞。先是禁軍懸弧矢之六石者于門。且示曰。能引其半者。駢糧以賜之。滿者倍斯。民應募隨引而滿。於是服厚祿以終身。

渤海僧通鳥獸言

公治長通鳥語。介葛盧辨牛鳴。著在格言。固非妄矣。咸通初。有渤海僧薩多羅者。寓於西明精舍。云能通鳥獸之言。往往聞鳥鵲燕雀啁噪。則說休咎及閭巷間事。如目擊者。佛圖澄之聽鈴語。不是過也。一日秋暑方炎。與小朝客數人聯騎。將納涼于城西別墅。路遇牝豕引諸犍而行。喀喀有聲。一朝士戲曰。此猪有語否。對曰。有之。人自不能諭也。又問曰。所語何。對曰。巨觥願諸雛云。行行行。向前樹陰下。喫妳料。其不遠。當遇官槐而止。且飼羣子矣。諸朝士頗奇之。因緩轡以偵。果逾溝不沒。過圈不奔。直抵木陰。踞乳諸子。爾後貴臣宅互迎問之。無少差忒。後中官主禁旅者。將籍名於軍寺。蕃僧不樂。杖錫出京。不知所往。參寥子曰。夷夏之言不通。人獸之音固異。過而跨之可也。殺而食之可也。非禮非義。勿欺於前。

御樓前一日雨

咸通丙戌歲。上以年和時豐。思減徭免罪。乃下詔。以其冬御丹鳳樓。申眚災肆赦之命。有司擇用十月十日。近歲以知星食祿者。止能膠柱選日。不剋風雨之候。前一日百司歲事向畢。已時風雨暴作。上仁惻及物。不罪日官。乃手香以祝。及未而霽。人心甚悅。詔有司令市良土。以夷樓前坳潦之所。時丞相李公蔚尹正神州。於是嚴令兩邑召載土者以集。事先是有以隻輪載土而鬻者。每乘不逾三十錢。至是幸時之急。遂高其價。逾倍方止。兩邑官吏有司捕盜者。專其事。慮價不廉。懼未敢發。李公以義取。向晚閱事不集。坐退朝別館。市朝即視事於其中。具桎梏鞭撻于前。援毫以伺督責。騎步旁午於道。二縣僚不得已趨而前曰。常鬻土者每輪十數。及三。今則幸其急。驟加十至七。願立斃其首。以覓其價。李公謂曰。事非舒緩。安以價

爲遂令每乘加錢至百。二官吏奉命大喜。隻輪雲集。至暮夷塲燥瀦俱畢。役夫樂其善價。繼來不已。金吾司候有佚背而回者。詰旦上御樓宣赦。百官畢集。樂懸具舉。兵仗羅列。建雞免囚。樓觀之下。纖埃不生。聖顏甚悅。後一日。鬻土者詣府請直。則復給五十錢。

參寥子曰。丞相得權變之道。前時立斃之。則事不集矣。今日厚償之。則俸門啓矣。始加至百以餌其來。終削之半以懲其蠹。擒縱其術。於是乎在。此亦書事之瑣者。嗟乎。國家分列卿寺。其位亞諸侯一級。而挈壺氏之司。紆朱拖紫。斂板蒞事者。不下五六百員。皆月蠹厚祿。曾昧仰瞻之妙。不知天文之書。皆市中卜祝小兒。居義和梓慎之職。其有幹局可稱者。歲精一軸歷書而已。嗚呼。由是機槍所起。彗孛所指。星緯陵犯之度。日月薄蝕之由。君臣無得而察。後之執政者。不得不以此爲深慮。

王居士神丹

有長樂王居士者。耄年鶴髮。精彩不衰。嘗持珠誦佛。施藥里巷。家屬十餘口。豐儉適其中。一日遊於終南山之靈應臺。臺有觀音殿基。詢其僧。則曰。梁棟欂櫨。悉已具矣。屬山路險峻。輦負上下。大役工徒。非三百緡不可集事。居士許諾。期旬日齋鑪而至。至京。乃托于人曰。有富室危病。醫藥不救者。某能活之。得三百千。成終南山佛屋足矣。果有延壽坊鬻金銀珠玉者女。歲十餘。遘病甚危。衆醫聚藥。手不能措。願以其價療之。居士則設盟于牋。期于必效。且曰。滯工役已久矣。今留神丹。不足多慮。某先持此鑪付所主僧。冀獲雙濟。鬻金者亦奉釋教。因許之。留丹於小壺中。齋緡而往。涉旬無耗語。女則物化。其家始營喪具。居士仗

策而迴。乃詬罵囚拘。將送於邑。且曰。某苟大妄。安敢復來。請入戶視之。則僵絕久矣。乃命密一室。焚槐柳之潤者。湧烟于其間。人不可迴。中平一榻。籍屍其上。褫藥數粒。雜置于頂鼻中。又以銅器中貯溫水。置于心。上則謹戶與衆伺之。及晚。烟燼薰黔其室。居士染指于水。曰。尚可救。亟命取乳。碎丹數粒。滴于脣吻。俄頃。流入口中。喜曰。無憂矣。則以纖纈蒙其鼻。溫水置于心。及夕。執燭以俟。銅壺下漏數刻。鼻纈微噓。又數刻。心水微灑。則以前藥復滴於鼻。須臾忽蘇。黎明則胎息續矣。一家驚異。媿謝王生。生乃更留藥而去。或許再來。竟不復至。後移家他適。不知所依從。女適人育數子而卒。

參寥子曰。奇絕之藝。和扁之術。何代無之。有實藝而無諂行者。公卿之門不內。賈生所以慟哭于時事。愚知諂心。

辛尙書神力

邕府辛讜尙書傳有神力。嘗與故滑臺杜僕射爲泗上郡職。時屬豐沛兵起。浮磬雉堞。圍于賊鋒。其不抵於僞兒之手者數板而已。杜公將有包胥乞師之請于鄰封。以劇壘方嚴。募轅門勇士無敢應者。獨讜請行。岸列霜鋒。河浮戰艦。裸身宵度。勝舟而濟。獲告鄰部。果解重圍。賊鋒遂軼。朝廷錄功。累授刺史于曹州。團練於泗州。節度於邕州。嘗言徵時力田自粒。三伏甚暑。與鄰莊老農納涼于山之陰。山上有巨牛。怒鬪者。哮吼爭力。聲達數里。鄰人慮其奔北。退走。則有蹂踐衝觸之患。相謀備鉤索爲制拒之計。辛曰。衆力非及。某能當之。俄頃有牛果北而下。蹻蹄踏土。兕角以奔。辛則正立中達。俟其欲至。兩執其角。牛不能前。旁

觀移時。如不實力。牛怒滋甚。退身數尺。養力而衝。如是三四。劃然有聲。流血滂沱。角折牛仆。其主乃屠肉聚食。以酬壯觀。則命持斲斧。斷角。堅不可刈。辛復拉之。應手而碎。時讜侏儒瘠瘁。如不勝衣。至官崇體脂。力亦隨減。

賤買古畫馬

祭陽外郎黃宰萬年日。有荷校者。以賊呼之。言嘗給婦人廉市馬畫。外郎奇之。命取以視。則古絲烟晦。幅聯三四。蠻鬪裁標。斑駁軸之。曰是畫也。太尉李公所寶。隙有贊皇圖書篆焉。人有以七萬購獻。牢盆者得署渭渠橫梁。梗船碎職。因出妓於閣。又落民間。言是寇倖。其不鑒。于是卑價市之。爲妓主。自他方歸。所訴請以所虧價書罪。外郎不能決。時延壽里有水墨李處士。以精別畫品。遊公卿門。召至辨之。瞪目三歎云。韓展之上品也。黃沙之情已具。丹筆之斷尙疑。會有齋籍自禁軍來認者。外郎以其異奸盜。非願苛留。因并畫桎送。後永亡其耗。

參寥子曰。時也。玉塞風清。虜多漢冕。長安馬肆。以馴良駿逸稱者。蹄不止三萬。而數幅繪事。反邀豐直。且復葬人於死。此誠好古博雅君子之所尙。然澆浮之風。亦取笑於驪連栗陸之代。

韋進士見亡妓

京兆韋氏子舉進士。門閥甚盛。嘗納妓于潞。顏色明秀。尤善音律。慧心巧思。衆寡其倫。韋曾令寫杜工部詩。得本甚舛缺。妓隨筆鉛正。文理曉然。以是韋頗惑之。十六歸京兆。二十一而彫落。韋悲咽痛悼。不能悅。

情茹蔬甚羸。棄事而寐。意其夢覩。一日家僮有言。嵩山任處士者。得返魂之術。韋嘗視妓妖蠱。時則牽於相念。促命見之。乃妙選良辰。齋除堂室。舒幃于壁。穗香于鑪。仍須一經身之衣。以導其魂。韋自喜自歎。搜衣蠹篋。皆換福於梵王家矣。唯餘一裙之金縷者。任曰。事濟矣。是日宜絕人屏事。且以暱近悲泣爲誠。設燈炬於香前。曰。觀後燼寸。卽復去矣。韋潔服斂息。一稟其誨。是夜萬籟俱止。河漢澄明。清露始垂。任忽長嘯。香裙在手。面幃而招。如是者三。忽聞吁嗟之聲。俄頃映幃微出。舊服少選。斜睇而立。幽芳怨態。若不自勝。韋驚起拜泣。任曰。無庸恐迫。以致倏迴。生忍淚揖坐。無異平生。或與之言。可否以首。鼎居逾刻。燭跋及期。歎欲逼之。紛然而滅。生乃捧幃長慟。旣絕而蘇。髣髴衣香。泛於坐側。任生曰。某非獵食者。哀君情切。因來奉救。漚珠權豔。不必多懷。韋欲酬之。不顧而別。韋嘗賦詩曰。惆悵金泥簇蝶裙。春來猶見伴行雲。不教布施剛留得。渾似初逢李少君。悼亡甚多。不復備錄。韋自此鬱鬱不懌。逾年而沒。

參寥子曰。大凡人之情。鮮不惑者。淫聲豔色。惑人之深者也。是以夏姬滅陳。西施破吳。漢武文成之溺。明皇馬嵬之惑。大亦喪國。小能亡軀。由是老子目盲耳聾之誠。宜置于座右。

盧尚書莊墮雷公

洛城建春門外。有信安盧尚書莊。竹樹亭臺。菱荷洲島。實爲勝境。乾符乙未歲。有鄉薦之士。相與避暑。坦率于西亭。釣罷弈棋之際。陰雲暴興。雷霆擊空。食頃大雨。未可整歸騎。第臨軒觀霖霖之勢。忽有一物墮于簷下。羶悍其狀。而崇角奢足。隨隕偃于弈榻之前。如傷困者。衆咸驚異。相與環觀。危軒跨池。少頃則涸。

轉於水中矣。柔毛雨漬，印于碧砌，積久不滅。相與逼視，餘腥薄人，命僕搜池，竟不復得。

泗州風狂尼

丞相隴西公蔚，建大旆于廣陵日，時咸通十二年也。有泗州狀言：女僧二人至普光王寺，將祈禮者。睨盱顧視，女病風狂，云後二年國有更變。此寺大聖和尚當履寶位，循廊喧叫，聚人甚多，不跡其來。釋徒大恐，正欲拘縻之際，則齊登峻塔，投身而下。其一不救，其一墮傷，狂痛昏迷，詰問不獲。丞相立命火焚其狀，仍牒州杖殺之。至十四年，果懿皇晏駕，今上卽位，是爲普王。

迎佛骨事

咸通癸巳歲，有詔迎佛骨於岐下。先是元和末，憲宗命取到京，時韓吏部上疏極諫，以爲遠近農商棄業奔走如不及。至有火其頂者，刃其臂者。當時佛骨之盛已如此，至是又加甚，不啻百千倍焉。有僧自京一步一禮至鳳翔法門寺，及到京，則傾城迎請，幡幢珂傘，香車寶馬，闐咽衢路。天子御安福樓，降萬乘之尊，親爲設禮。兆衆涕淚，感動左右。竭家產，斷肌骨，以表誠志者，不可勝紀。皆言皇帝貴爲天子，富有四海，尚此敬信，吾輩何所慙哉！此乃上之風行，下則草偃，固其宜也。然有鸛盤其上，牛跪于下，又何情哉！明年懿宗升遐，今上卽位，詔歸本寺，肩舁陌上，粗備香梵，去歲徒衆萬無一來，循路見者，頂別而已。人情寒暑，旣已牢落，丹頂瑩歸，亦不復至。所異者桃林之獸，青田之禽，豈能時其盛衰，改柯易葉，浮沈于世態耶？

丞相蘭陵公晚遇

丞相蘭陵崔公。清譽儉德。時所推服。嘗統戎於番禺。有酌泉投香之譽。以是夷貊輻輳。至於長安。寶貨藥肆。咸豐衍於南方之物。由此人情歸美。今上誕聖於壬午。龍飛於癸巳。皇算十有二歲矣。思命耆德。佐佑大化。乃自奉常卿起公爲上相。公時年八十有三。居台席數載。汲引賢哲。導暢皇慈。儉德既彰。澆風少革。及薨於位。上再輿不慙。遣之歎。而廢常朝者三日。冊贈之禮。有加美焉。議者曰。高位厚祿。苟有其分。陰靈必助其壽考。不然者。安有過懸車之歲。而命相之主始生。世傳太公晚達。七十而遇文王。今又逾釣渭之年一紀。乃知榮辱之分。豈偶然哉。

參寥子曰。道則由己。命則在天。君子行由己之道。委在天之命。達則爲稷卨。爲蛟龍。爲雲雨。窮則爲孔孟。爲禽魚。爲游泳。何往而不適哉。弄怒濤者。鮮不溺死。戲竿杪者。或多墮傷。急驅必猛顛。遄榮亦驟辱。士有尤人而躁進者。非君子也。

壽安山土棺

壽安之南。有土峯甚峻。乾符中。因雨而圯。半壁銜土棺。棺下有木橫互之。木見風揉而成塵土。形尙固。邑令滌之泥。汨於水。粉膩而蠟黃。剖其腹。依稀骸骨。因徵近代。無以土爲周身之器者。戴記云。夏后氏用塋。周殷人以棺。周人以槨。鄭元註曰。塋。周以土爲之也。豈錫元圭之世。窆耶。莫究其年代。是非矣。

盧相國指揮鎮州事

丞相范陽公攜清苦律身。剗斷無滯。代天理物。必先鶉衣穀食。遐陬遠裔。以是四方之譽。翕然歸之。乾符

丁酉歲。因與同列廷諍機務。詞氣相高。朝廷兩解之。偕授賓翼儲闈。分秩洛汭。河朔三鎮。屢貢表詞。且以棄瑕擢用爲請。先是常山帥王景崇者。年十有八。襲繼父位。朝廷常姑息之。時每律琯三周。則各隆品爵。仍與幽魏並制。幽魏繼有更變。景崇時獨得軍情。以是爵位相懸。鎮至劇品。景崇時已檢校太尉。兼中書令。常山郡王。食邑五千戶。實食襲三百戶。窮極勳賞。無以加焉。而幽魏官秩尙卑。以鎮州故未行冊命。常山搃朝廷方用恩澤。懷撫方伯。青徐之野。尙聚萑蒲。餉輓方繁。兵力且困。乃上表。其略曰。臣當道與盧龍魏博往列。三載考績。咸蒙寵榮。今者以臣官位稍崇。而兩鎮久稽成命。臣弟冀州刺史檢校工部尙書景儒。自委郡符。亟聞美政。誠慚內舉。堪委外藩。請迴臣官。榮授景儒一鎮。意圖易定。時內臣秉權者固欲與之一日樞密。使出至中書。奉宣與宰臣商量鎮州事。乃曰。相公爲國擇帥。嘗難其人。今或能教戰撫民。襲守政化。卽良將也。何必拒常山之請耶。況某知景儒恪居官次。若別選用。未必及之。適奉聖旨。便委中山。以收後效。諸相無言。獨崔公沆曰。開府固昧遠大之計矣。國朝自蒯胡作亂。于今三道止類國賓。嘗貽宗社之羞。未雪神人之憤。今者徇其苟得。又授景儒。一失其機。噬臍無及。始則入充貢賦。終爾漸紊彝章。疆界接連。旣以與之。復欲取之。未知其可也。景儒旣卒。必以軍意請立子孫。儻未議加兵。卽立須降節。然後魏博豈無骨肉。必俯瞰洛城。顯然盧龍。坐邀青社。開府此際。何術枝梧。二內臣哇頤結舌者久之。且曰。適奉聖旨。遣與相公商量。所仗者廟謨。非敢參以末議。崔公遂草詔意進曰。卿世襲忠貞。材兼文武。旣竭事君之節。必先體國之誠。卿弟冀州刺史景儒。英衛齊勳。龔黃讓政。至于擢用。自貯素心。但以患在不均。理

須經久。易定既爲恩賞。幽魏何以酬勞。餼食再思。難允誠請。臨軒注想。宜悉朕懷。望付翰林。如此賜詔。詔書再往。勤請愈堅。表云。願得手足之榮。共竭股肱之效。聖上爲之盱食。乃詔范陽公以兵部尚書入覲。到京旬日。拜特進門下侍郎。兼戶部尚書。平章事。三鎮有表。賀宰輔得其人。時公以步蹇。未任衙謝。上因命中書官就宅問計。對曰。臣待罪台司。五環星歲。前後三鎮。以甘言佞臣。美貺餌臣。臣皆拒而不納。或所論奏。不遠程式者。翌日允之。仍召奉使小將顯皇恩。且誠曰。事出此口。言歸彼耳。可否面定。不自外來。無爲賄妄于其間也。前日驛書已告衛帥矣。宜以覆族爲慮。以是知臣一心事主。必合信臣。臣請與書。諭以是非禍福之源。君臣父子之道。立進書草。盧公才辨詞藻。尤工於指諭事理。上覽書色動。命中使送春服象只者齋往。及回。表云。冀州刺史景儒。自聆擢用。黎庶優轡。令望加官。勤留當道。且言。臣濫分茅土。曾乏內勞。位冠三台。官崇一品。方思讓爵。不敢貪榮。幽魏加官。請循往例。上大悅。

太清宮玉石像

明皇朝崇尙元元聖主之教。故以道舉入仕者。歲歲有之。詔天下州府立紫極宮。度道流爲三元醮醮之會。長安重建太清宮。琢玉石爲元元皇帝真像。雕鐫之麗。不類人工。列太常樂懸。服天子袞冕。次又以玉石雕成元宗肅宗二聖真容于殿之東室。次又琢左右丞相李林甫陳希烈於東西序。至代宗朝。人有以爲言者曰。陳李二相。陰狡險詐。常欲動搖東宮。將有不利於先帝者。數四賴元宗英明。社稷垂祐。不爾則宗廟有綴旒之危。奈何以玉琢二臣。列于清敬之地。比扁舟五湖之人。鑄金肖形之像也。尋詔除去。瘞於

殿陰。爾後人無知者。至廣明庚子歲。丞相范陽公爲太清宮使。因命葺修頽廢之所。工役掘地。得玉石人。滌去泥壤。則簪裾端簡。如龍之像。工人不知其所以。狀白公。公命尋究之。則林甫官銜銘于其背。丞相公忠褊直者。大以爲不可。因具奏其事。且曰。林甫險巧罪迹。不宜獲保首領。請輦送京兆府擊碎之。議者以爲李林甫陳希烈輔佐明皇。驕奢貪狠。而又益憎蓄怨。搖動儲君。信是一亂臣賊子也。然禮經云。刑不上大夫。而況琢石之像。且異戮屍之責。況朝服簪裾。而碎于府門。君子謂是失刑政矣。遂有好事者傳丞相奏章云。臣聞見無禮於其君者。如鷹鷂之逐鳥雀也。右相李林甫等。寵異之命。冠于人臣。梟獍之心。勃於君上。像已輦送京兆府集衆擊碎訖。其徒伴陳希烈見搜擒。次候獲日。送府司同罪。士大夫聞之。無不掩笑。輦碎林甫搜尋希烈之事。則實有之。至于徒伴擒獲之語。斯又妄也。

盧左丞赴陝郊詩

盧左丞渥冠裳之盛。近代無出其右者。伯仲四人。咸居清顯。乾符初。服喪紀于洛下。先終制。渥自前中書舍人拜陝郊觀察使。又旬日。其弟紹自前長安縣令除給事中。又旬日。弟沆自前集賢校理授左拾遺。又旬日。弟沼自前畿尉遷監察御史。鳴珂珮玉。紆朱拖紫。照耀街巷。士族榮之。及赴任陝郊。洛城自保釐尹正已下。更設祖筵。以鮮華相尚。分秩故相。及朝容惡日。兩邑縣官。卑秩麻衣。傾都出郭。洛城爲之一空。食器酒具。羅列道路。盛於清明簪潔松檟之日。填咽臨都驛。前後十五里。車馬不絕。左瞻始捨轡。居首筵。則爲川尹邀去。乃大合樂於舊相之座。而諸朝容已攜酒饌出城者。散于田野。選勝聚飲。歌樂四起。飄飄然。

若澧州上已會稽禊事也。無貴無賤。及暮醉歸。有白髻驛吏聲指曰。某自擁篲清郵。五十載未嘗覩祖送之盛。有如此者。左轄有詩題在嘉祥驛云。交親榮餞洛城空。秉鉞戎裝上將同。星使自天丹詔下。雕鞍照地數程中。馬嘶靜谷聲偏響。旆映晴山色更紅。到後定知人易化。滿街棠樹有遺風。此詩爲牌子。後爲易定帥王處存碎之。

楊尙書補吏

青州楊尙書損。觀風陝郊日。政令頗肅。郡人戎校缺。必採于輿論而升陟之。縷及細胥賤卒。率用斯道。以是泄政累載。無積薪歎。燥請托之源。一日使院有專兵籍者。關局司頗重。選置惟難。有吏兩人。衆推合授。較其歲月職次功績。違犯無少差異者。從事掾不能決。請裁於長。長或臆斷。誰曰無私。楊公俛首久之曰。余得之矣。乃謂曰。爲吏之最。孰先于書算耶。姑聽吾言。有夕道於叢林間者。聆羣跣評竊賄之數。且曰。人六匹則長。仗五匹。人七匹則短。八匹不知幾人。復幾匹。顧主硯小吏著於紙。令俯階籌之。且曰。先達者勝少頃。一吏果以狀先。遂授良關。儕類則貽伏而退。以其類亥二首六身之說。故書。

薛氏子爲左道所悞

有河東薛氏子二。野居伊闕。茂林修竹。面水背山。力田藏書。皆務修進。先世亟典大郡。薄留伏臘。婚嫁之資。一日木陰初成。清和戒候。偶有擊扉者。啓而視之。則星冠霞帔之士也。草屨霜髯。氣質清古。曰。半途病渴。幸分一盃漿。二子則延入賓位。雅談輿論。深味道腴。又曰。某非渴漿者。杖藜過此。氣色甚佳。因願少駐。

二子則留連之。坐久復曰：捨此東南百步而近，有五松虬偃在疆內者。曰：某之良田也。左道愈喜。因屏人言。此下有黃金百斤，寶劍二口。其氣隱隱浮張翼間。張翼洛之分野某尋之久矣。豐獄卽其地。三品可以分贍親屬之甚困者。唯龍泉自佩。當位極人臣。某亦請其一。効斬魔之術。二薛大驚。左道曰：家童輟役客輩。悉命具舂鍤之類。俟擇日發土。須臾可以目驗矣。無術以制。則逃匿黃壤。不復能追。令俟良宵。弱方爲墀法。步水喚之。不能遁也。且誠僮僕無得泄者。又問結壇所須。則曰：須徹纆三百尺。赤黑索也隨方緡綵縑素甚夥。暨机案爐香茵褥之具。且曰：某非利財矣。假以爲法。不毫觸耳。所費者祭饌十座。醑茗隨之。器以中金者爲首。二子則竭產以經營。其所缺者。貸於親友。又言：某善點化術。以是糞睨金玉。常以濟人危急爲務。今有羣裝寓太微宮。欲以奉寄。二子許諾。乃召人負荷而至。囊笈四所。重不可勝。絨繡甚嚴。祈託以寄。旋至吉日。因大施法。具于五松間。命二子拜祝訖。亟令返第。封門而俟。且誠無得窺隙。某當效景純散髮銜劍之術。脫或爲人窺。則福移禍至。俟行法畢。當舉燧以呼炬。與可與僮役偕來矣。俟扶桑未燭。聚力以發。冀得靜觀至寶也。二子敬依此教。嚴戢輿阜。無得妄行。自夜分危坐。係望燭光。杳不見舉。伺久則雞晨樹杪矣。二子慮太陽東上。覽于行人。不得已關戶遐偵之。默無影響。步於松下。則擲盃覆器。似數輩縱食于其間者。爐香机案。傾側左右。緡綵器皿。悉已攜去。輪蹄印跡。錯於短牆。疑用徹纆縑固以遁。因發四篋。瓦礫實中。自是家產甚困。失信於人。驚愕憂慚。默不敢訴。而駭談非論。夕徧京洛。

參寥子曰：非望之福。焉可苟得。左道之事。其足信乎。

軍中生餽

寇陷鍾陵毒通歲詔會諸侯之師討之未格苗間統兵者帶饒於賊堞王人督軍日月而至宴犒迎餞旬日無虛時先是自九江至於敷淺源寶視肥粳及大軍加境暢飲薦羞不常厥味貓脾鼠肝亦登于俎是以二物也猶傲價于霧市逾月復罄一日上命內臣之貴顯者慰撫于柳營有軍帥置生餽於皇華發函伸幅以肉腳冠其首皇華喜爲珍賜不以羊呼者意其避心瞿之字也則命啓器乃刑刖一足屈於積中縑絛麻屨亦不削去皇華大噉終日不食

參寥子曰鉤爪踞牙食人之肉者豺狼也以豺狼鬻梟獍孰能分善惡於毫釐之間哉

虎食伊璠

巢僚汚踞宮闕與安朱之亂不倖其間尤異者各爲好事傳記冠裳農賈挈妻擎潛跡而出者不可勝記至有積月陷寇終日逃避竟不覩賊鋒者獨前涇陽令伊璠爲戎所得屢脫命於刃下其後血屬相失村服晦行及藍關爲猛獸搏而食之禍患之來其可苟免

藍田貢冰

藍田縣歲貢冰常在冬杪有臘候尙怒藍水不冰則主吏宣命以祭一夕而成冰形似今承柱之礎方尺數之厚三寸數之十及鐫額求中矩者亦艱難以具美至於清虛明潔如椎驪領而割蚌腹也或有粟砂線葉黏于其中則命鐫取以躍湯補之湯澄藍水沸於中金器赫天不輟以俟其用或沃以冷則凍斂不

固尋復脫去。用火泉填之。乃水紋絲散。交涯如織。磨礪以平。他邑亦貢。其數甚寡。且非上品。不及藍冰也。中和辛丑。翠華在蜀。優詔以雲棧巖險。罷貢洞庭丹實。是年木奴之屬。既醯且瘠。有雞林僧亦言。本國瀕海島上。其水多鹵。或有如剉藥投其中者。唯淮波截海而渡。味甘色澈。愈病析醒。彼國或一歲息於朝貢。則淮水爲之不至。且多羣疫。水旱作厲。與冰橘之說符。

東都焚寺

東都聖善寺。締構甲於天下。愚曾看修寺記云。殿基掘地及泉。以屨灰和香土錯實之。所以備傾蟄也。乾符初。嘗有估客瀝願。帶除殿屋之表。工徒集金三十萬。以埏埴疊脊峻。十有三尺。每瓦邱鐵貫之具。率以木者。神功異績。不可殫記。咸此類也。巢賊陷洛之前年。寺僧見東鷄鳴吻上有青碧霏烟。徑衝天漢。如筒如幢。其圍合抱。是日秋霽。天無纖雲。斯氣也。自卯至酉而後銷散。烟中隱隱如有物。上下觀者如堵。竟不能諭。粵二年。燼滅於賊燧。

參寥子者。高彥休。乾符中人也。衆傳之本出余。余得之丈人太僕李公。公得之海虞錢允言家。

祝允明記


唐闕史上下卷。得西亭汪氏鈔本。勿遽錄就。復得秀野草堂刊本校勘。訂正譌字數百。然細閱刊本。尙多舛錯。亦未稱爲完善也。

雍正丙午除夕前一日。谷林趙昱識于小山堂。

乾隆三十年歲次乙酉仲春從汪氏振綺堂假趙谷林先生手校本勘定並錄其題語于右得閱居士鮑廷博識

三月十七日再假桐鄉金氏桐華館鈔本校于知不足齋

20 OCT 1941



中華民國三十一年五月十六日

呈 繳

中華民國三十年八月初版

(87502)

☆ 闕

史 一 冊

每冊實價國幣貳角

外埠酌加運費匯費

撰 者 高 彥 休

發行人 王 雲 五
昆明沙正路

印刷所 商務印書館

發行所 商務印書館
各埠

(本書校對者陳忠杰)

六一六六

嚴

